

cæsas, in veris initio, copiosissima nivalis aqua, ex sylvarum montibus collibusque in agros, valles & Salam rapit. Quædam hujus ligni pars, ad construenda componendave ædificia, aptatur, vegetoribus salicis vel betulæ ramis, funis instar contortis, in fasciculos pontis navigialis forma, combinatur: quos fasciculos Bau-Flöſſe nominant, & ad remotiora loca à Sala flumine venales vehuntur: altera vero pars, ad coquendos cibos & fornaces calefaciendas, in partes minores, quas Flöſſ-Scheit appellare solent, dividitur, Salæ fluvio injicitur, & sensim à flumine ad varia loca propellitur: reliquum ligni, carbonarii, die Kohlbrenner / coacervant in sylvis, luto tegunt, & in carbones exurunt, ut fusioni metallorum, pharmaceutico usui & doméstico inserviat. Hæc ligni copia tanta ac talis est, ut non solum Salfeldiæ, Rudolphopolis & Jenæ nostræ, largissimum cumulum suppetat; sed etiam Numburgum, veteribus Novemburgum, Leucopetra, Martisburgum atque Hala, præclaræ urbes, hac ligni abundante copia fruantur.

§. 9. Ex arboribus, quæ bene vi-
rent,